



SAKSPAPIR

Saksnr	Utval	Type	Dato
11/2019	Levekårsutvalet	PS	01.04.2019
19/2019	Kommunestyret	PS	08.04.2019

Sakshandsamar	Arkiv	ArkivsakID
Solrun Hauglum	FE-033	19/178

BRUKARBETALING OMSORG PLUSS

Rådmannen sitt framlegg til vedtak:

Saka vert teken til orientering.

Levekårsutvalet - Sak 11/2019

LEV - Behandling:

Levekårsutvalet ber om ei tilbakemelding vedk. medisinar utover eigenandel og korleis dette er tenkt.

Samrøystes vedtak.

LEV - Vedtak:

Levekårsutvalet ber om ei tilbakemelding vedk. medisinar utover eigenandel og korleis dette er tenkt.

Saka vert elles teken til orientering.

Saksopplysningar:

Samandrag/konklusjon (kort om saka)

I tråd med mål i vedteke budsjett 2018 vart det i 3. tertial 2018 etablert omsorg pluss butilbod med fem leilegheiter i Helsehuset på Dale. I samband med behandling av budsjett 2019 og satsar for brukarbetaling fatta Kommunestyret 10.12.2018 vedtak om å få utgreiing av makstakst for omsorg pluss jamfør sjukeheimsplass.

Det er laga skjematisk oppstilling som samanliknar dei tre butilboda omsorgsbustad, omsorg pluss og sjukeheimsplass når det gjeld brukarbetaling og kva som inngår i butilboda.

Ein pensjonist med pensjon på ca. kr. 250 000 i året (ca. kr. 18 000 netto i månaden) vil betala om lag likt for både omsorg pluss og sjukeheimsplass, d.v.s. ca. kr. 14 800 i månaden.

Bakgrunn for saka

Både nasjonale føringar og tilrådingar og lokale styringsdokument rår til satsing på førebyggjande og rehabiliterande tiltak og tenester som kan bidra til at brukarar får nytta eigne ressursar, delta aktivt i

eige liv og kunne bu mest mogleg sjølvstendig så lenge som råd. I Vaksdal kommune har me hatt aldersbustadar og omsorgsbustadar som nivå før langtids plass på sjukeheim, men me har mangla bualternativet omsorg pluss.

Omsorg pluss er bualternativ mellom aldersbustad/omsorgsbustad og sjukeheims plass. Denne typen leilegheit er gjerne i bukollektiv eller bufellesskap, d.v.s. at privatarealet vanlegvis er mindre enn i omsorgsbustad, men det er tilgang til fellesareal. I denne typen buform er det lettare tilgang til personell, gjerne fast bemanning på gruppa store delar av døgnet, og det er tilbod om måltid og aktivitetar som ikkje følgjer med ved omsorgsbustad eller aldersbustad.

Bebuar i omsorgsbustad og omsorg pluss vert definert som heimebuande og kjem under same lovverk som andre heimebuande. Han/ho er betre fungerande enn sjukeheimsbebuarar, men treng meir oppfølging enn ein vanlegvis får i ordinær omsorgsbustad.

Formelt grunnlag

I samband med behandling av budsjett 2019, ba Kommunestyret om utgreiing som viser makstakst for omsorg pluss jamfør sjukeheims plass. Kommunestyrevedtak frå 10.12.2018 i sak 85/2018.

Saksopplysningar:

Kommunale betalingssatsar, vedtekne 10.12.19.

Teneste*	Fast pris	Variabel pris	2019	Månadspris
Husleige inkludert straum (vert indeksregulert)	X		93 120 kr	7 760 kr
Husleige fellesareal	X		18 000 kr	1 500 kr
Praktisk bistand		Etter G	2 530	210
Trygghetsalarm		Etter G	2 472	226
Mat	X		38 000	3 167
Vaskeri	X		11 850	988
Medisinsk forbruksmateriell	X		4 000	333
Medisinar ut over eigenandel	X		5 000	417
Eigenandel frikort	X		2 500	208

*Alle som flyttar inn i Omsorg pluss, betalar husleige og felleskostnader. Omsorg pluss er ikkje definert som institusjon, men ein heim på lik linje med dei som bur i omsorgsbustad.

Samanlikning av dei tre butilboda omsorgsbustad, omsorg pluss og institusjon:

	Omsorgsbustad	Omsorg pluss	Institusjon
Husleige	Betalar husleiga sjølv	Husleige er inkludert straum	Inkludert i brukarbetaling
Søkja bustønad Straum	Ja Straum kjem i tillegg	Ja Inkludert i husleige	Nei Inkludert
Praktisk bistand	Må ha eige vedtak. Pris jamfør kommunestyrevedtak	Må ha eige vedtak. Pris jamfør kommunestyrevedtak.	Reinhald vert utført.

Trygghetsalarm	Får eige vedtak om ein fyller kriteria	Får eige vedtak om ein fyller kriteria	Har sjukealarm på romma
Mat	Eiga hushaldning. Kan også ha vedtak på dagsenter med frukost og middag, middag i kantina eller middag heim.	Et alle måltida felles, men kan laga seg mat sjølv om ein ønskjer det.	Inkludert
Vaskeri	Må vaska kleda sjølve	Kommunalt vaskeri Linklede frå NorTekstil	Kommunalt vaskeri Linklede frå NorTekstil
Medisinsk forbruksmateriell (t.d. hanskar, sårutstyr)	Tilpassa brukar. Betalar delar sjølv, kommunen resten. Tilpassa den enkelte sitt behov. Noko på resept.	Tilpassa brukar. Kommunen krev 333 kr i mnd. Resten av utgiftene betalar kommune.	Inkludert
Medisinar ut over eigenandel	Betalar alt sjølv	Betalar 417 kr i mnd. Resten betalar kommunen.	Inkludert
Eigenandel frikort	Ja	Ja	Nei
Møblar	Eigne møblar, eventuelt utstyr frå Nav hjelpemiddellager	Eigne møblar, eventuelt utstyr frå Nav hjelpemiddellager	Kommunalt. Pasient kan ta med litt eige møblar og pynt.
Tv/telefon	Held sjølv	Held sjølv	Betalar for eigen telefon.
Lege Bemanning	Fastlege Eventuelt vedtak om heimesjukepleie. Nyttar trygghetsalarm ved behov.	Fastlege Bemanning dag og kveld. Nattevakt saman med heimesjukepleie og samarbeid med institusjon.	Institusjonslege Heildøgnsbemanning
Forsikring	Eigen forsikring	Eigen forsikring	Kommunal forsikring

Bustønad:

Personar som vert definerte som heimebuande, kan søkja om bustønad. Det gjeld også for personar som bur i aldersbustad, omsorgsbustad og omsorg pluss. Personar som bur på institusjon kan ikkje søkja om slik stønad.

Bustønad vert utrekna etter kva kommunegruppe kommunen tilhøyrer og inntekta til husstanden.

(Informasjonen under er henta frå husbanken, ref HB9.B.6.1. Revidert 01.01.19)

Kommunegruppe 1: Oslo

Kommunegruppe 2: Bergen, Trondheim, Tromsø, Stavanger og Bærum

Kommunegruppe 3: Kristiansand, Skedsmo, Frogn, Lørenskog, Oppegård, Asker, Nesodden, Sola og Sandnes

Kommunegruppe 4: Omfattar alle kommunar som ikkje er nemnd i kommunegruppe 1, 2 og 3.

Inntektsgrunnlaget er basert på den faktiske inntekta søkjar har i månaden det vert søkt støtte for. Tabellen syner det høgaste inntektsgrunnlaget ein husstand kan ha pr månad for å få bustønad i

kommunegruppe 4.

	Ein person mnd	To personar mnd	Tre personar mnd
Kommunegruppe 4	17 767	20 636	23 599

Makstakst:

Betaling av institusjonsplass er regulert av forskrift, og pasient betaler ut frå inntektsgrunnlag (G). Utrekning skjer etter eiga matrise.

Betaling knytt til omsorg pluss vert pr i dag regulert av satsar for kommunal utleige (indeksregulert ein gong i året). Andre betalingar som til dømes praktisk bistand vert styrt av kommunale vedtak. Eigenandel knytt til mellom anna medisin er bestemt av nasjonale retningslinjer.

Helse og omsorg har makstakst knytt til levering av tenester. Dette inkluderar også omsorg pluss. Kommunale satsar på husleige, kommunale satsar på praktisk bistand, mat og trygghetsalarm. Bebuarar i omsorg pluss betalar ikkje for bemanning. Medisinsk oppfølging utført av heimesjukepleie betalar heller ikkje brukar for.

Ein person med ein pensjon på ca 250 000 kr i året (ca 18 000 kr netto i mnd) vil betala 14 800 kr pr. månad for både omsorg pluss og institusjon. Ein vil ha ca 3 200 kr att til anna forbruk ved begge desse bualternativa.

Vurdering/konsekvensar:

Bualternativet omsorg pluss kjem inn under heimebasert omsorg. Som matrisa over viser, må ein sjå kostnaden i omsorg pluss opp mot det å bu i ordinær leigebustad/omsorgsbustad. Forskjelen er bemanning på staden og at bebuar får tettare oppfølging frå tilsette i omsorg pluss. Ein betalar ikkje for bemanning, men for bukostnader. Dette er kostnader ein også har når ein bur i eigen bustad eller omsorgsbustad.

Langtidsplass på institusjon er det høgaste omsorgsnivået. Her er det heildøgnbemanning, og pasientane treng tett oppfølging av medisinske og helsemessige grunnar. Institusjonslege følgjer opp og er på visitt på sjukeheimen ein til to gonger i veka. Det er tilgjengeleg sjukepleiarkompetanse døgnet rundt.

Omsorg pluss er i dag tilpassa brukarar som treng meir oppfølging enn det heimesjukepleie kan tilby, men har eit mindre hjelpebehov enn pasientar på langtidsplass på institusjon. Dei kan fungera sjølvstendig eller får hjelp/bistand av ein pleiar i daglege gjeremål. Ein kan tilkalla sjukepleiarkompetanse ved behov. Her legg ein vekt på miljøterapeutiske tiltak og tryggleik slik at ein kan meistra så mykje som mogleg i kvardagen.

Det er liten økonomisk forskjell på å bu i omsorgsbustad og i omsorg pluss. Matrisa for pris knytt til omsorg pluss tek utgangspunkt i kva det kostar å leva og bu i ein omsorgsbustad eller eigd/leigd bustad. Betaling på institusjon er etter forskrift.

Det er ikkje betaling eller evne til betaling som avgjer kva omsorgsnivå brukar/pasient får vedtak om. I alle saker er det gjeldande lover og kommunen sine egne vedtekne retningslinjer for tildeling som vert følgt. Det vert gjort individuell vurdering av somatisk, psykisk og sosial helse og situasjon.